

# “AZAN SUBUH”

Waktu fajar merekah . . . . . menyingsing, tersenyum  
simpul, udara sekitar dingin sejuk,  
suasana sunyi sepi rumput-rumput hijau menikmati  
siraman embun pagi . . . . . sayup kedengaran  
di menara, berirama, bergema mengalun. Bilal  
mengundang suara melentok merdu, menarik hati.  
Menginsafkan kalbu, mengingatkan manusia kepada Rabbi.  
tanda subuh telah datang, solat dinihari . . .  
Azan, panggilan untuk bertaut, menyembah Tuhan  
Maha Pencipta.  
  
Si Muslim . . .  
Walau sedang lentok, diulit dibuai bayu dingin  
nan lemah gemalia,  
terus bangun, membungkar gembira, membuktikan  
rasa syukur kepada ilahi.  
Pengurniaan rahmat. Nikmat, dan pengampun kepada makhluk!  
  
Azan subuh, istimewa!  
Di samping seruan, mari berselawat, bersembahyang  
mari  
menuju falah, mencapai kemenangan kebahagiaan,  
Ayuh . . . !  
Diselangi berulang, solat lebih baik, lebih bererti  
dari tidur lagi . . . !  
Diselangi berulang, solat lebih baik, lebih bererti  
dari tidur lagi . . . !  
kerana hari hampir siang, berwaspadalah  
menunaikan tugas, hai si insaf!

Sungguh besar ertinya seruan ini!  
Pada si insaf “si Muslim nan tulen sebatu  
seruan dan panggilan, untuk bersolat  
tanda bersyukur kepada Penjadi.  
Pencipta alam, langit bumi dan apa yang ada  
semua ini,  
  
Seruan dan panggilan!  
untuk bekerja mencapai kemakmuran, kebahagiaan,  
hidup nan diredhai  
membina masyarakat mulia. Membuktikan pujian Tuhan,  
sebagai umat wasata.  
Inilah . . . azan subuh menggema  
mengalun irama setiap dinihari, waktu  
menyingsing fajar sadiq.  
  
mengorak senyum . . . .  
untuk kaum Muslimin nan insaf yang merasa  
empunya tugas  
mengimarah masyarakat mencapai keredhaan . . . .  
inilah, inilah . . . . .  
azan subuh bergema, mengalun, berkumandang  
berirama . . .  
  
Suara ghaib menjelma . . .  
penyedar, pembangkit, penginsaf, si tidur lena . . .  
pembentuk keselamatan penghuni dunia . . .  
sebuana . . . . . !

-Fikri Azam, Jogjakarta